



## INFORMASHON

*Fecha*  
29 di ougùstùs 2017

*Accountmanager di Komunikashon*  
Jhanirha Da Costa Gomez

*Email*  
[jhanirha.anita@gobiernu.cw](mailto:jhanirha.anita@gobiernu.cw)

### *Duna tereno di gobièrnu na persona òf organisashonnan pa nan usa den diferente forma; entre otro èrfpagt òf hür*

Gobièrnu di Kòrsou tin diferente tereno komo su propiedat inmóbil. Gobièrnu por skohe pa duna un persona òf un organisashon tereno pa nan hasi uso di dje pa diferente aktividat.

Un persona òf organisashon ku por bini na remarke pa e haña un tereno di Gobièrnu ta lo siguiente:

- Persona natural
- Desaroyadónan di tereno
- Organisashonnan sosial-edukativo
- Organisashonnan religioso
- Organisashonnan rekreativo
- Empresa

Domeinbeheer ta otorgá tereno na diferente manera:

- Tereno den èrfpagt
- Tereno na hür
- Tereno pa manehá (*in beheer*)
- Tereno pa uso (*in gebruik*)
- Tereno komo opshon (*als optie*)

Por haña tereno di Gobièrnu pa e siguiente usonan: bibienda, rekreashon, komersial, industrial, turístiko, agrario òf sosial.

### **Petishon pa tereno pa bibienda**

Un persona ku ke bini na remarke pa un tereno di Gobièrnu mester yena un formulario di registrashon. Na momentu ku un persona registrá, su petishon ta keda butá riba e lista di espera di Domeinbeheer.



## INFORMASHON

*Fecha*  
29 di ougùstùs 2017

*Accountmanager di Komunikashon*  
Jhanirha Da Costa Gomez

*Email*  
[jhanirha.anita@gobiernu.cw](mailto:jhanirha.anita@gobiernu.cw)

Solamente personanan ku ta kumpli ku e siguiente eksigensianan por registrá pa un tereno pa bibienda:

- Mas ku 18 aña di edat
- Ta inskribí na Kranshi; no mester bini ku un prueba di Kranshi
- Deklarashon di Kadaster ku ta indiká ku e persona no tin un tereno kaba di Gobièrnu; e deklarashon aki ta kosta fl. 25
- Si e persona ta kasá 'binnen gemeenschap van goederen', e mester bini ku su akta di matrimonio
- Kopia di legitimashon bálido, sea pasport òf sédula
- Stampia (plakzegel) di fl. 10  
E stampia ta optenibel na Belastingkantoor

E persona ta yena e formulario i bini ku tur e aneksonan nesesario na Domeinbeheer.

### **Petishon pa tereno pa uso komersial**

Un kompania òf organisashon ku ke risibí un tereno di Gobièrnu, mester yena un formulario di registrashon i mester trese e siguiente dokumentonan:

- Ekstrakto di registro di Kámara di Komersio, no mas ku 2 luna bieu; e ekstrakto aki ta kosta fl. 7.50
- Si ta disponé di esaki, pèrmit di alokashon
- Kopia di legitimashon bálido; sea pasport òf sédula
- Pa kompanianan eksistente, kopia di e relato anual mas resien

### **Petishon pa otro uso**

Un persona òf organisashon ku ke bini na remarke pa risibí un tereno di Gobièrnu pa otro uso ku no ta pa bibienda ni uso komersial, por manda un karta di motivashon pa Domeinbeheer.

### **Durashon**

E petishon por dura, dependiendo di e petishon:

- E tereno mester ta disponibel pa e uso deseá
- Ta yega na turno segun e number ku e petishon tin riba e lista di espera